



BOSNA I HERCEGOVINA
FEDERACIJA BOSNE I HERCEGOVINE
AGENCIJA ZA BANKARSTVO
FEDERACIJE BOSNE I HERCEGOVINE

UPUTSTVO

**za obavještanje o ponudi održivog paketa
usluga za finansijsku inkluziju, zelenih proizvoda i
proizvoda usmjerenih na društveno odgovorno
finansiranje**

Sarajevo, januar / siječanj 2024. godine

Na osnovu člana 10. Odluke o mjerama za jačanje finansijske inkluzije i održivog poslovanja banke („Službene novine Federacije BiH“, broj 85/23), čl. 5. stav (1) tačka h) i 23. stav (1) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj 75/17) i člana 16. stav (1) tačka (k) Statuta Agencije za bankarstvo Federacije Bosne i Hercegovine („Službene novine Federacije BiH“, broj 3/18), direktor Agencije za bankarstvo Federacije Bosne i Hercegovine dana 29.01.2024. godine donosi

**UPUTSTVO
ZA OBAVJEŠTAVANJE O PONUDI ODRŽIVOG PAKETA USLUGA ZA
FINANSIJSKU INKLUZIJU, ZELENIH PROIZVODA I PROIZVODA USMJERENIH
NA DRUŠTVENO ODGOVORNO FINANSIRANJE**

Član 1.

Predmet

- (1) Ovim Uputstvom za obavještanje o ponudi održivog paketa usluga za finansijsku inkluziju, zelenih proizvoda i proizvoda usmjerenih na društveno odgovorno finansiranje (u daljnjem tekstu: Uputstvo) propisuje se način na koji banka javno objavljuje informacije o ponudi održivog paketa usluga za finansijsku inkluziju, zelenih proizvoda i proizvoda usmjerenih na društveno odgovorno finansiranje, a u skladu sa članom 8. Odluke o mjerama za jačanje finansijske inkluzije i održivog poslovanja banke (u daljnjem tekstu: Odluka).
- (2) Odredbe ovog uputstva primjenjuju se na banke koje su od Agencije za bankarstvo Federacije Bosne i Hercegovine (u daljnjem tekstu: Agencija) dobile dozvolu za rad.

Član 2.

Pojmovi

Ukoliko drugačije nije naznačeno, pojmovi korišteni u ovom uputstvu imaju isto značenje kao u članu 2. Odluke.

Član 3.

Upute za popunjavanje obrasca koji se odnosi na informaciju o ponudi održivog paketa usluga za finansijsku inkluziju

- (1) Banka će na svojoj službenoj internet stranici objaviti informaciju o ponudi održivog paketa usluga za finansijsku inkluziju koji je dostupan korisnicima finansijskih usluga, polugodišnje na 30.06. i 31.12. tekuće godine.
- (2) Informaciju iz stava (1) ovog člana banka će objaviti u sljedećem obrascu:

Opis	Da	Ne	Planirane aktivnosti
Održivi paket usluga za finansijsku inkluziju			
<i>Ukoliko je odgovor „Da“ banka će navesti sadržaj paketa (usluge obuhvaćene paketom)</i>			

- (3) Banka će u obrascu iz stava (2) ovog člana označiti sa slovom „X“ da li nudi održivi paket usluga za finansijsku inkluziju ili ne, te ukoliko u svojoj ponudi nema održivi paket usluga za finansijsku inkluziju, da li planira uvesti isti i u kojem vremenskom periodu (npr. Q3 2024. godine).
- (4) Ispod obrasca iz stava (2) ovog člana, banka će navesti uslove korištenja održivog paketa usluga za finansijsku inkluziju, iznos naknade za održivi paket usluga za finansijsku inkluziju, te ostale troškove ukoliko postoje, kao i datum revidiranja objave o navedenom.

Član 4.

Upute za popunjavanje obrasca koji se odnosi na informacije o ponudi zelenih proizvoda i proizvoda usmjerenih na društveno odgovorno finansiranje

- (1) Banka će polugodišnje, na 30.06. i 31.12. tekuće godine, na svojoj službenoj internet stranici objaviti informaciju o ponudi zelenih proizvoda i proizvoda usmjerenih na društveno odgovorno finansiranje koji su dostupni klijentima banke.
- (2) Informaciju iz stava (1) ovog člana banka će objaviti u sljedećem obrascu:

Opis	Tip klijenta	Fizička lica		Pravna lica		Javna preduzeća	
		Da	Ne	Da	Ne	Da	Ne
Zeleni proizvodi							
Proizvodi usmjereni na društveno odgovorno finansiranje							
<i>Ukoliko je odgovor „Da“ banka će navesti opis kreditnog proizvoda i namjenu</i>							

- (3) Banka će u navedenom obrascu označiti sa slovom „X“ da li nudi zelene proizvode i proizvode usmjerene na društveno odgovorno finansiranje ili ne, pojedinačno za fizička lica, pravna lica i javna preduzeća.
- (4) Ispod obrasca iz stava (2) ovog člana, banka će navesti uslove korištenja, kamate, naknade i eventualno ostale troškove vezane za zelene proizvode i proizvode usmjerene na društveno odgovorno finansiranje, te datum revidiranja objave.
- (5) Ukoliko u svojoj ponudi banka nema zelene proizvode i proizvode usmjerene na društveno odgovorno finansiranje, ispod obrasca će, također, navesti da li planira uvesti iste i u kojem vremenskom periodu (npr. Q3 2024. godine).
- (6) Banka će u okviru objave informacije o ponudi proizvoda usmjerenih na društveno odgovorno finansiranje, navesti i ostale aktivnosti koje potvrđuju primjenu principa društveno odgovornog i održivog poslovanja u poslovnim aktivnostima banke, što može podrazumijevati i saradnju sa lokalnom zajednicom u smislu podrške projektima za dobrobit zajednice i sl.

Član 5.

Agencija će cijeliti potrebu i ovisno o istom na svojoj službenoj internet stranici prenijeti objave pojedinačnih banaka u Federaciji Bosne i Hercegovine o ponudi održivog paketa usluga za finansijsku inkluziju, zelenih proizvoda i proizvoda usmjerenih na društveno odgovorno finansiranje i napraviti zbirni pregled.

Član 6.

Ovo uputstvo stupa na snagu danom donošenja i objavljuje se na službenoj internet stranici Agencije, a primjenjuje se od 31.03.2024. godine.

Broj: 01-384/24

Datum: 29.01.2024. godine

DIREKTOR

Jasmin Mahmuzić, s.r.